

آبونه سرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدیر .
ممالك اجنبیه ده سنه لکی (۱۷)، آلتی
آیلغی (۹) فراقتدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته ای مجموعه اسلامیه در .

صاحب و مدیر

سر محرر

ع . اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۰۹

۱۱ شوال ۱۳۳۲

پنجشنبه

۲۰ اغستوس ۱۳۳۰

جلد ۱۲

مدینه منوره دن عالم اسلامه خطاب

مسلمانلار! اوبانلک! فرصت بفرستور!

روضه مطهره جناب پیغمبری طرفدن بالاده کی عنوان ایله بتون عالم اسلامه توجیه اولونان خطابه ده: اولافرت زمانی کلدیکی، و بوفرستک قاجیرلما سی خبر ویریلور. صوکره اوزون اوزادی به عالم اسلامک باشنده دونن فلاکتلرک اسبابی تشریح اولنیور: مسلمانلری اویونق، بربریه بوغوشدیرمق، بوسورتله بولایق صوده بالقی آولامق ایچون کرک مشروطیتدن اول، کراک صوکره دشمنلرک نه کی دیسه لر مراجعت ایتدکلی، مشروطیتدن صوکره بوسنه هر سک و قعه سی، طرابلس غرب مسئله سی، بالقانلر محاربه سی نه کی اسباب داخنده میدان کلدیکی ایضاح اولنیور: مسلمانلرک باشنده کندیلرینی اداره ایدمک کیمسه لر بولوندیغی تقدیرده مسلمانلرک یک مهم خارقه لر میدان کتیره جکی ذکر اولوندقدن صوکره دینیورک:

«ای مامر مسلمان! بزم ایچون اسلامدن باشه، امیر یوق در؛ او اسلامک: «دین» دن، اجتماعدن مقصود اولان منایه منافی دعوالرک هینسی ابطال ایتس در؛ بناء غلبه بزم جنسیتیز، بزم رابطه من، بزم جامعه من آجق و آنجق اسلام در. بو اوغورده تورک، عرب قرده ش در؛ ترک عرب، عربک ترک قارشى تفاخر ایتسی جائز دکل در....»

بناء علیه اوزریمزه واجب اولان، کلمه مسامینی توحید ایله دوشوندیکمز غایبه وصولی تحت امکانه آلق اوغورنده بتون وارلیمز ایله چالیشمق در. بویه اولمادجه بزم ایچون بقا یوق در...

ای مسلمانلار! آرتیق، شمدی یه قدر پویان اولدیکمز درین اویقودن اویانما کز لازم در. دهرک قورقونج صدالرنی، صیحات مده ش سنی ایشدوب طورورکن حالانه زمانه قدر بو اویقوده دوام ایدمک کیمکمز؟

ای عالم اسلام! فرصت کادی، صافین بو فرصتی آلدن قاجیرمایه سکمز! صوکره مشرول اولورسکمز! کلانک بتون معناسیله مسلمان اولیکمز، یوقسه مجرد دین اسلامه انتساب ایله دکل... چونکه اسلامک مقتضیاتیه عمل ایتکمزین قوری قوری به مسلمانلار دعوا سنده بولونق هیچ بر فائده تأمین ایتز؛ بلکه بو فعلکیزله چوق دفعه اسلامتی اکلیمش اولورسکمز که بوکانه عقلکیز راضی اولور، نه وجدانکمز...

ای عالم اسلام! سلفکمز کی اولک؛ حاکمیزی اولرک حالیه مطابق قیلیمه به چالیشک؛ فرصت دوشمش ایکن انسانیه لایق اولمایان بو ذلت و مسکنتدن صبر یوب جیتک؛ شوراسنی آبی بیلکمز که: الاکن بولوندیغمز حال سالت اشتالده قالمایان مسلمانان اوزریمزه واجب قیلیمش، سفلی برصورتده دکل، بلکه پرشان و شرف عالی بر حیات یاشامامیزی قطعی اوله رق بزه امر ایتمش در. عجبا بزوکون او امرک مقتضاسیله عامل می بزو؟

ای عالم اسلام! آرتیق اویانک، کرزیکیزی آتیک، اویقو زمانی چوقون کجی. شمدی کچلری دوشونه ک مافاتی تدارک ایتک زمانی کلدی. بن ظن اتمک که: - اگر سزده هیانده اثر قالمه ایسه - موجودیتکیزی محافظه ایتک ایچون اوزریمکزه ترتب ایدن وجیهی آکلیمش اولایه سکمز!...»

ایشته جرائد عربیه ده چین مسلمانلرینه عائد کورمش اولدیغمز معلومات ایله روضه پاک حضرت نبوینک بولندینی بلده طاهره دن

بتون عالم اسلامه قارشى وقوعبولان خطابه انتباهی بالایه خلاصه درج ایتدک. ذاتاً بزم او درجه قساعتیز وارک: عالم اسلام، محقق صورتده، هر طرفده کندیسنی دیرچنبرلرله احاطه ایدن ظلم و استبدادی دویرمک، ذلت و اسارت بیوندورینی آتیه جق در. اسلام ذلیل و حقیر اولمق، ذات و مسکنت ایچنده اسارتله یاشامق ایچون دکل، بلکه مسلمانلره یاقیشان بر شان و شرفله یاشامق، و مسلمانلرک علویتنی هر طرفه ایریشدیرمک ایچون خلق اولندیغنی آکلیمش؛ و بونی ده بالفعل جهانه اثبات ایدمک کلدی.

ذاتاً بر مسلمان ناصیل اولورده ذلته، مسکنته، منقاد اولور؛ ناصیل اولورده پیغمبرلرینه اینانمایان، کتابلرینه احترام ایتمین ملترک النده محکوم اوله رق یاشامایه راضی اولور، که قرآن: «فله العزة و لرسوله وللمؤمنین...» بیوریور! مسلمانلر ایچون بویه بر حیاتیه راضی اولمقدن ایسه، مسلمانیه یاقیشیر بر صورتده ترک حیات ایتک بیک قات خیرلی در. اویله یا، یوم آخرته ایمانی اولان بر مسلمان کتابی تحقیر ایدن بر ملتک اسارتی آلتنده ذلت و مسکنتله یاشامای ناصیل اولورده اولومه ترجیح ایدمک بیایر؛ بر مسلمان ایچون بوقابل می در؛ مکرکه اونک حسی اولمش، قلبنده مسلمانلار اثری قالماش، بهائم عدادینه کچمش بولونسون!

بناء علیه شمدی بزمه خاتمه مقال اولارق شیخ محمد عبده مرحوم ایله برابر دیه جکمز که: رحمت الهیه قایلری مسلمانلره آچقدیر. اولرله کیرمکدن باشقه برشی لازم دکل: روح الهی باشلرنده وزان اولوب طور یور، او نفحه عنایتی تسم ایتکدن باشقه بر حرکتیه احتیاج یوق؛ فرصت بر برینی ولی ایدمک اولرله دست امداد اوزاتیور؛ بو مسکنتدن قورتولملرینی، بو درین اویقودن اویانلرینی اخطار ایدیور؛ مجد قدیملرینی اله کچیرمک، اولکی مرتبه لرینه یوکسلمک ایچون بیه جقلری ایش ایسه رابطه اتحادی تحکیم ایدمک ماتى اعلادن عبارت اولان مقصد مشترک ال برلکیله چالیشمقدن عبارت در. بوایه برکره آرملرنده رابطه دینییه تأید ایتدکدن صوکره اک قولای ایش در. آرتیق اللرنده کی فرقان مبین: «یأس ارباب ضلالک اوصافندندر.»

دیدکدن صوکره مأیوس اولمایه، حقدن امیدى کسمه به بر سبب تصور اولنه بیلیرمی؟ رشد ایله غی آرمسند بر مناسبت بولنه بیلیرمی؟ حقدن صوکره ضلالتن باشقه نه واردر؟ مسلمانلر آرمسند کی ارباب یأس و قنوطک آرتیق شایان قبول بر معذرتی اوله بیلیرمی؟ او حاکمیت سابقه دن، او سیادت علیادن صوکره اجانبه قارشى بوعبودیت سافله به راضی اولوب طوره جقلرمی؟ ذلت ایچنده، سفالت ایچنده، فقر و احتیاج ایچنده، خصم ظالمک کونا کون حقارتلری ایچنده کچدکدن صوکره بو حیادت نه بکلورلر؟ سیمی وهمتی براقشیر، کمال سکینت ایله اوطورویورلر اویله می؟ حال بوکه محیطلری اجنبی حاکمردن، فلاکتلرینه سویین دشمنلردن، حرکتلرینی تقبیح ایدن سرسملردن، هر خصم لترین تشنیع ایله بن دنیلردن متشکل. بونلر طور میوب

مسلمانانری عقلمزلقله ، قابلیتسزلكه اتهام ایدیورلر ، ام سائر صنفه کیره بیللملری محالاندن اولدیغنه حکم ایلورلر .

انسان بوتون خصائص انسانیه دن تجرد ایتدیجکه بوقدر ذلته ، بوقدر حقارته ناصیل قاتلانه بیلیر ؟ اونوتیورلر می که : بر زمانلر اقوامک قره العیونی ایدیلر . خصوصیه آرمه دن اوقدر اوزون مدت کچمدی ، تاریخلر اورتادن قالمادی ، آثار بوسبوتون مندرس اولمادی ، شوکت مسلمین ایسه تمامیه روی زمیندن سیلنمدی . اوحالده حالا بو ذلت ومسکنته قاتلانبوب طورمن نهدن ایلری کلیور ؟

آقسه کیلی احمد صمیری

انکلتزه و مصر

اوتوز اوچ سنه دئیری انکلیزک پنجه استبدادنده ، قبه تفسخینده ایکلین بز مصریلر نهایت انکلتزه نک - بر غفلت سیاسیه نتیجه سی اوله رق - کندیسینی هاویه اضمحلاله طوغرو سو وکلدیکنی کورمه یه موفق اولدقکه بو ، بزم علولسان قلمزم اوزرینه سریلان بر زلال رحمت در . چونکه بز بو اوتوز اوچ سنه ظرفنده انکلتزه نک تحمافر سامظالمی چکدک ، انصافسزجه سنه بی نهایت وحشتلرینه اوغراق . آنلرک تأثیر جانحراشیه بوتون عمرمن ماملر ایچنده کچدی . شممدی بونلری سردایتدیکمز آنده اوروانک او کوزلری قاشدیران مدیتنک حقیقتی و ایچ یوزنی کوریور : آنک نقدر سزاوار تابعین ونفرین اولدیننی آکلامش اولیورز .

معلوم درکه ابنای نیل اراضی مصریه نک او فیاض ولایتاهی خزائن ثروتیه یاشایان بر ملتدر . بوملنک اکثریت مطلقه سی اسلامدر . و دینه پک صیقی بر صورتده مرتبط ، عنعنات وعادات ملیه سنه پک صادق در .

ایشته بوملت ۱۸۸۲ سنه میلادیه سنده عراقی ذیلان بر تورمدینک حماقت وملعننه دوچار اولارق او خائن وطنک قازدیننی حقه سفالت واسارته دوشدی . عراقی ، مصریلرک صفوت وصمیمیتلرندن استفاده ایده رک کندیسینی بر خلاصکار اوله رق طانتدیرمنه موفق اولمش بر آلقدرکه اونی مصر واسلام تاریخنی الی الابد لغنت ایله بادایده جکدر . چونکه بو آدم مملکتک داخلنده بر قارغشهلق ایجاد ایده رک وانکلیز لک مصری اشغال عسکرلرینه آلمق ایچون هر درلوا سباب ووسائلنی حاضر لامش ایدی .

ذاتاً انکلیز ایمپریالیزم سیاستنک اساسی : اولافرقه ، فتنه ، وفساد حاضر لامق ، بعده بیدری اورایه وضع ید ایتکدر . ایشته انکلیزلر بوفرصتی ضایع ایتهدیلر ، عراقینک قیامنی متعاقب اسکندریه یی بمباردمان وعسکرلرینی قره یه چیقارده رق قاهره یه طوغرو ایلرله دیلر .

« تل الکبیر » ده عراقینک عسکرلرینه ملاقی اولدیلر ایسه ده ، هر درلو اسباب مدافعه دن محروم اولان بوزوالیلر همان فراده قویولدی و اکثریتی انکلیزلرک قورشونیه شهید اولدیلر . بونک اوزرینه انکلیزلر قاهره یه داخل اولدیلر . آرتق مصرک استقلالنی بایمال ایدلمشدی . امالدنیانک حقوق وحیثیتی چیکنتمشدی ، فلاحک راحتنی منسلب ، مصرک محرق کونشی آلتنده ترلیه ک ، یانه رق قازاندیننی آلتونلر انکلتزه نک رفاه وسعادتی ایچون کیتمه محکوم اولمشدی . الحاصل براسلام مملکتنک شانلی صحائف مشعشه تاریخیه سنه سیاه وقانلی صحیفه لر علاوه ایدلمش ، مصرک موجودیت حیاتیه سی تکفین اولنمشدی .

بوتاریخ مشومک باشلادیننی کوندنبریدرکه انکلیزلر او زواللی فلاحی سیاست فتوحاتکارانه لرینه بر آلت اتخاذ ایتمهک باشلادیلر ، سودانی انکلیزلره هدیه ایتک ایچون یوز بیکلرجه مصرلی او جهنمی بتمه لرده هدر اولدی . محمد احمدالمهدینک لوای استقلالنی آلتنده طوبلانان اوزواللی سودانلیر مملکتلرندن محترص اجنبیلری طرد ایتک اوغرنده محو ونابود اولدیلر ، همده دینداشلی مصریلرک الیه

مصرک فیاض خزائن ثروتی انکلیزلرک دست تعدی وتجاوزینه کچدی ، بیجا . فلاحلر آج وبعلاج قالدیلر . بوندن ماعدا ، صانکه مصری تدهیش ایدن «عراقی» حادثه سی کافی ده کلمش کی برده دنشوا ی حادثه سنی ایجاد ایتدیلر . بوسفر مؤمنلرک سجده کاهی انکلیزلرک چامورلی قوندنرملیه چیکنندی . حریم بیت الله مؤمنلر ایچون بر زندان یایلدی . اون اون بش معصوم ، اولادلرینک ، زوجه لرینک اوکنده صلبا اعدام ایدلدیلر . الی التمش مسلمانک بعضیسی قیراجلرک آلتنده وجودلرندن قانلر فیشقیرارده ق تسام روح ایتدیلر . بونلرک هپسی برانکلیزک خاطری ایچوندی . اومت کوکرچین صیدینه چیقان سرخوش برانکلیز «دنشوا ی» اطرافنده کوکرچین صید ایدم جکنه برمسلمان قادینی هدف دانه تعرض ایده رک ، دنشوا یلک خرمانلرینی یاقه رق اجرای کیف ایتسنه ، دها طوغروسی وحشی استبدادینه طایانامیوب انی منع ایتمهک قالقان اهالینک قارشوسنده فرار ایدرکن مدهش برضربه شمشه معروض قاله رق هلاک ائلمسندن ایلر وکلوردی که ... بوظاعت ، بو وحشت مصرده دهشت وقورقوا یله قارشولانه جغه بالهکس درین بر اثر انتباه اویاندیردی . قهرمان وطنپرورمصطفی کامل پاشا ایله اطرافنده طوبلانان کتیه وطنیه آرتق وار قوتیه چالشمغه باشلادی . بو حیتلی کتلانک مساعیسی پک آز بر زمان ظرفنده مصرده عمومی برانتباه جریانی تولید ایتش ایدی . بونک اوزرینه انکلیزلر او مؤبدأ محبوسیتیه محکوم اولانلری تخلیه یه مجبور اولدیلر وپک بیوک برتلاشه دوشدیلر . چونکه بو عمومی انتباه اونلرک موجودیتلری ایچون پک تهلکه لی ایدی . بو سببدنطولای انکلیزلرک یکانه غایه سی بوتاتباهی بوغنی و ممکن اولدیننی درجه مصریلری کورلتمک ایدی . همان فرقه احراری آزیدیلر ، ومعارفی اولدوردیلر . تجارت وصنایع ملیه یی کوکندن سو بوردیلر . مسلمانلرده کی فضائل